

F A B L A C H E S A

POB VEREMUNDO MENDEZ COARASA

San Martín que yera Obispo
de Tours, en tierra francesa,
veniendo'nta Zaragoza,
s'aposenté'n la val Chesa.

(Canta de lo lugar).

La fiesta chiqueta

*Yera'n trescientos ochenta
lo tiempo d'aquella añada,
cuando a caballo venibas
de Tours, camino d'España,
por aquella viella via,
que se clamaba «Romana»,
que, dentrando por Lo Palo,
ta Zaragoza i-plegaba,
enta do ibas, ta un Concilio,
que, berejias priscilianas,
beban feito vos clamasen,
a chéns piadosas y sabias.
Crucés por «Suasqui», que agora,
Guarrintza la chén lo clama
y «Zuaski» iciba en Euskera,
«Món arboláu u arbolada».
Pasés por Oza, la selva,
que fria'n Euskera, canta,
con pinos, abez y fáus;
por lo barranco d'Ezpata,
las güeltas de lo castillo,
lo Puén de Sil y la Rambla*

de lo Secadero y puya,
 ta lo que «nuevo» se clama,
 Castillo, agora fundíu
 y ya dende allí se'n baxa,
 por lo «Cantal de lo Sastre»,
 «Fuén de la Selva» a «Santana».

Puya'nta «Peña Jaín»,
 que'n Euskera Jaún canta.
 Plega lugo'nta Ciresa
 y lo Puén de'Spetal pasa,
 lo barranco «Los Chudius» y
 ta Echo, por la Cruz Alta.
 Prexino que San Martín,
 que facié ixa cabalgata,
 hast'allora no sabeba,
 qué yera la gloria humana,
 indo por ixe camino,
 por lo que Dios li amostraba,
 lo polius que los móns yeran,
 d'arbols, prados, niéus y aguas,
 con rabaños de ganáus,
 ovellas, abrios, crabas,
 xabalíns, onsos y sarrios
 y que mi-si ó'n manadas,
 coniellos, llebres, perdices,
 gazapos y perdiganas.

Anguilas, barbos y truilas,
 en río d'aguas bién claras...
 Que, cuando crucé Guarrantza,
 trobé a chéns que pastoriaban
 y cuando plegue'nta Oza,
 a otros fendo cazatas,
 bien armáus, con lanza'n ristre,
 con cultros largos u ezpatas.
 Con muitos d'ellos fablé,
 de Dios que'n la val reinaba
 y tan fundo lis dentré,
 lo que San Martín contaba,
 que, féndoli compania,

con él, torneron ta casa.
Lo lugar l'apostenté,
fendo mansión, como fabla,
la novena, que'n la val,
de mui viello li se canta.
El facié aqui maravillas,
que a las chéns dixeron fatas
y a l'vièr tantos prodigios,
mudos yeran y sin fabla.
Cuasi seguro qu'estié
qui metié vidas monásticas
alli'n San Martin de Ciella,
que'n la Foz de Biniés campa;
en Labasal, d'antis más,
que Navasal hoy lo claman,
en do agún bi'n queda muros,
de una Ilesia románica
y en lo de San Zacarías,
que San Ulogio nombraba
y en esta val, en Ciresia,
hoy de San Pedro se clama,
en do bi-há polida Ilesia,
Real Capilla afamada,
de los Reis de lo Aragón,
que Ramiro empecipiaba.
Muito de güeno facié,
por toda esta redolada
que'n Urdués, Echo y Embún,
por patrón l'hemos y a gala,
por saber que'n muchos puestos,
en tierras meyas y baxas,
lo'n yé, tamién, de parroquias,
que, como nusotros, lo aiman.
Sin saber que yera Cristo
lo espulláu, diés meya capa.
Demándali pa nusotros,
la Suyá Gloria nos parta,
que con fe'n la fiesta tuya,
los Chesos lo te demandan.